



FAAMASINOGA MAUALUGA O FANUA MA SUAFA SAMOA

TAUAOFIAGA FAAPITOA ILE VA O AFEGA MA LEAUVAA

LC 9480 P15-P16

MATAUPU:

**E UIGA I LE FA'ATULAIESEINA O FITI PAUGA, TAU
NAIME, TOGIAI ALISI, LEMALU IOANE, TUALA
EMELE, TUI SEU, FAATOAFE FAIGA, LEMALU
PAULO, TUALA MALEKO, MUAGUTUTIA KOLOKO,
MALIA PULOU, KOSE SEVE, KIA VILIAMU, LAVE
SIPOLOA, TUALA SOGI, TEVAGA VAILUA, SIAOSI
SAGOTE MALO, TUALA AKE MALO O LEAUVAA
MAI LUGA O LE FANUA O LEUALESII POO VAIALIA
I LEAUVAA**

ITU TALOSAGA:

**Salā Josephine Stowers, Salā Fili Lauano, Tuala Kasipale,
Tuala Telea, Salā Tanoa'i Lupe, Tuala Puletini.**

ITU TETE'E:

Maulolo Tavita Amosa, Ututaaloga Charlie

Aso o Suesuega :

21 Tesema 2023

Aso o le Faaiuga :

22 Tesema 2023

FAAIUGA A LE FAAMASINOGA MAUALUGA

1. O lo'o loma le iloiloaina o le talosaga apili a Ali'i ma Faipule o Leauvaa e fa'asaga i le faaiuga a le Fa'amasinoga Mauualuga, aso 24 Mati 2023, lea na teena ai le talosaga a Ali'i ma Faipule mo se fa'atagana e toe iloilo ai le faaiuga a le Fa'amasinoga Muamua, aso 18/12/2018.



FAAMASINOGA MAUALUGA O FANUA MA SUAFA SAMOA

2. O le suesuega a le Fa'amasinoga Muamu sa aga'i i le fa'atula'ieseina o aiga e 18 o Leauvaa o lo'o nofoia eleele o Afega i tua atu o le 723 eka lea na tu'uina atu mo Leauvaa.
3. O nei aiga e 18 ma isi aiga o Leauva'a, na mac'a ona fa'atonuina e le Fa'amasinoga e tula'i ese. Amata mai i le tausaga 1952 o lo'o manino i fa'aiuga, o fanua i tua atu o le 723 o fanua o Afega. Masalo o le a auiliili e le Fa'amasinoga faaiuga uma ia pe a tagofia le talosaga apili o lo'o loma nei.

Talosaga a Leauvaa:

4. O le talosaga a Leauvaa mo le toe iloiloina o le faaiuga o le 2023 o lo'o fa'auluina i le Fa'amasinoga o lo'o faaigoaina o le Fa'amasinoga o Talosaga ma Iloiloga o Fanua ma Suafa. Sa fa'avacina lea Fa'amasinoga i le Tulafono o Fanua ma Suafa 2020, ma le Teuteuina o le Fa'avac o le Malo o Samoa 2020. O lea Fa'amasinoga e fa'auluulu i le Ta'ita'ifono, ma e aofia ma isi Fa'amasino e toatolu(3). I le taimi nei e le'i filifilia se Ta'ita'ifono ma ni Fa'amasino o lea Fa'amasinoga.
5. O lona uiga e le'iloa se aso e iloilo ai le talosaga apili a Leauva'a, pe afai ae fa'ataunu'u le fa'avacina o le Fa'amasinoga o Talosaga ma Iloiloga.
6. Ae o lea ua talosaga mai Leauva'a e fai sa'u poloaiga e fa'apafala ai le faaiuga o le 2023 ma ia taofia loa galucga a Afega o lo'o fa'atinoina nei fanua i fafo atu o le 723 eka. O le mana'o o Leauvaa sa auala mai i le latou Loia, ina ia faia sa'u poloaiga e fa'apafala ai le faaiuga e aunoa ma le logoina o Afega (ex parte). Sa ou te'ena lea manaoga ma fa'atonu ai loa le Resitara e ave le kopi o le talosaga ia Afega e tali mai ai.



FAAMASINOGA MAUALUGA O FANUA MA SUAFA SAMOA

Fa'apafalaina o le Faaiuga 2023:

7. O lo'o manino le tulafono 2020 vaega 47(5)(a). O le faapafalaina o se faaiuga o le matafaioi lea a le Taitaifono o le Fa'amasinoga o Talosaga ma Iloiloga ma e faato'ā iloilo ina e le Taitaifono lea talosaga i le taimi e iloilo ai se fa'atagana e toe iloilo ai le faaiuga. O lona uiga e leai so'u malosi'aga e fa'apafala ai le Fa'aiuga.

Talosaga mo le taofia o Galuega a Afega i le taimi nei:

8. E leai se ceselega o le taofia o galuega a Afega ma le fa'apafalaina o le faaiuga o lo'o apiliina nei. O le lona lua o maga o le talosaga, ia fa'atelelegese le faatinoina o le galuega ona o le ogaoga ma le telē o le aafia o aiga o lo'o i le ogaeleele lea.
9. Afai o ni fale mautu, maota ma laoa o aiga, faatasi ma ni mea totō ua aafia, ia silafia lelei e nei aiga uma, sa tautala le fa'amasinoga ma le tulafono amata mai i le 1952 o fanua o lo'o fausia ai maota ma laoa, o fanua o Afega. Ua savalia le 72 tausaga o le amanaia ma fulitua i faaiuga. Ua fa'aaoga le malosi.
10. Ae o lenei ua toe laga mai i le tulafono ia fesoasoani atu ile latou solitulafono, ma le soli faaiuga a le fa'amasinoga.
11. Afai o se vaega i tua atu o le 723 eka o lo'o iai nisi fanua o Leauvaa sa maua mai i nisi foa'i (court grant) e pei ona ataata mai i nisi o pepa na fa'a'ulu mai i le Ofisa, o le faamaonia ina o ia talitonuga e fitoi tonu ma Leauvaa le avega e faamaonia ai. Ae ua silia ma le 70 tausaga ao lea ua fa'atoā tulei mai e Leauva'a lea finauga.
12. E faitiaina fo'i le Fa'amasinoga i le fa'atinoina o isi fa'amasinoga i luma mai o Fa'amasinoga o le 1952, 1961 ma le 1963 ma toe fa'amautū ai le pule a Afega i fanua i tua atu o le 723. Ae o lea pule ua mae'a ona faamausali i le 1952, 1961 ma le 1963 na poloa'iga le tula'i ese o tagata Leauvaa.



FAAMASINOGA MAUALUGA O FANUA MA SUAFA SAMOA

13. Ae i le taimi nei e leai se malosiaga i le Peresetene e poloa'iga ai Afega e taofi pe fa'atelelegese le galuega a le afio'aga o Afega. O le matafaioi lena a Ali'i ma Faipule o Leauvaa e feutaga'i ai ma Afega.

14. Teena le talosaga a Leauvaa.

Justice Lesatele Rapi Vaai
PERESETENE



FREE/TRUE CERTIFIED COPY

LEUGAMATA A. FALETOLU LOFIPO
ASSISTANT REGISTRAR
Land & Titles Court